



Hemsedal kommune

NVE - Oslo
Postboks 5091, Majorstuen
0301 OSLO

Dykkar ref.	Vår ref.	Dato
201706765-2	17/01844-3	09.01.2018

Høringssvar - Bægnavassdragets Regulering. Rehabilitering av dam Flyvatn.

Det vert vist til høyring jfr. dykkar brev av 15. november 2017, jfr. søknad frå Foreningen til Bægnavassdragets Regulering (FBR) av 15. sept 2017.

Førespurnaden gjeld løyve til å fråvike konsesjonsvilkår og manøvreringsreglement i Vestre Slidre kommune. Den private vegen «Panoramavegen» som går mellom Vestre Slidre og Hemsedal går over dammen Flyvatn. FBR planlegg å rehabilitere dammen, og legg til grunn at anleggsarbeidet skal starte opp vinteren 2018 – 2019, med transport av steinmasser til mellomlager ved dammen. Rehabilitering av dammen starter i mars 2019, og vil pågå over to byggesesongar. FBR søker difor om tillatelse til å stenge vegen over dammen i perioden 1. mars til 15. november 2019, og 1. april til 31. oktober 2020. FBR søker og om løyve til kunne senke og halde vannstanden i Flyvatn inntil 1 m under HRV i perioda frå 1. juli til starten av lågvassperioden i 2019 og 2020.

Hemsedal kommune viser til behandling i Vestre Slidre kommune og slutter opp om deira uttale, jfr. F-sak 68/17.

Vegen betyr mykje for hytteturistar, jegarar, gjennomgangstrafikk og ikkje minst stølsbrukarar/eigarar. Ein må vere klar over at denne vegen over dammen er ein erstatningsveg for ei bru som gikk over elva her før dammen vart etablert. Ein legg til grunn at regulanten har ein plikt til å halde veg over vassdraget. Stenging over ein så lang periode vil ha stor negativ verknad for brukarane av vegen, og Hemsedal kommune meiner det må etablerast løysing for å tillempe bruk. I denne samanheng viser også Hemsedal kommune til kravet om avbøtende tiltak frå Panoramaveien SA, der dei ber om at reguleringsforeningen må bygge ein enkel omkjøringsvei forbi Flydammen. Hemsedal kommune meiner det er uholdbart å stenge denne vegen for trafikk i to høgsesongar.

Hemsedal kommune ser samstundes at det kan medføre ulempe å senke og halde vannstanden i Flyvatn inntil 1 m under HRV i to periodar, men meiner at dette likevel må kunne tilrås for at det skal vere mogeleg å gjennomføre dei arbeida som er skissert.

Med helsing

Ordførar

Oddvar Grøthe

Ola Frogner
Teknisk sjef

Godkjent og ekspedert utan underskrift